

欽定大清會典事例

欽定大清會典事例卷一百三十二

吏部

處分例 禁止光棍 禁止邪教 禁止聚衆

禁止光棍○乾隆七年議禁地方光棍潛住京城流寓無定其現在拿獲地方自難辭徇庇失察之咎但從前或久居別坊適值新遷發覺則或以一二日失查驟罹叅處而容留日久者反得脫然不免有冤抑傲幸之處嗣後拿獲光棍務將新舊寓處逐一訊明分別處分○三十年奏准凡地方官員所轄民人棄耕聚衆習為不

善之藝。地方官不能查緝。降二級調用。游手好  
閒之人。徧游街市。射利惑人。打降賭博。無所不  
至。該地方官不能查拏。照失於查察例。罰俸一  
年。○又奏准地方官員所轄民人。有卦子等類。  
不務正業。聚眾習為不善之藝。擾害良民。帶領  
妻子馬羸。游走於外。滋事不法者。將專汛地方  
官。照不能查緝姦民例。降二級調用。兼轄官係  
同城。各降一級調用。不同城。各降一級留任。統  
轄官亦各降一級留任。經過地方官。不行查拏。  
照盜賊經過伊汛。不行窮追例。降一級留任。上

司各罰俸一年。如在別府州縣地方。經年累月  
潛住。而該管地方各官。並不查拏。將專管官兼  
轄官。亦照原籍地方官員議處。○又奏准地方  
有來歷不明。生事妄行之人。潛匿境內。擾累地  
方。干犯法紀。在京令五城司坊。大宛兩縣。在外  
令府州縣官。不時稽查。凡客店庵觀寺院。並通  
衢僻巷。賃房居住之所。遇有徇情受賄容留者。  
該管官立即查拏。究明舊寓何處。將不行查出  
之該管官。叅處。儻不行查拏。別經發覺。將新舊  
寓所之該管官。均照失於查察例。罰俸一年。自

行訪查者免議。○又奏准。擯擡攬頭。把持勒捐。或無籍之徒。私立水窩名色。分定界址。把持賣水。不容他人挑取。該地甲役。不即舉報。通同容隱者。均照律治罪。儻該地方官。不行嚴禁。聽無籍之徒。指稱攬頭水窩等名色。肆行霸踞勒索者。照約束不嚴例。降一級調用。○又奏准。凡有游手好閒之人。輪又舞棍。演弄拳棒。徧游街市。射利惑人。打降賭博。無所不至。一經拿獲。將本犯照律治罪。五城步軍統領。順天府。大宛兩縣。拿獲之衙門。即行發落。仍遞回原籍。令該地方

官查明安插。嚴行管束。不許出境。坊店寺院。民間房屋。如容留不行首報。地保人等。不行查拏。均照律治罪。地方文武官奉行不力。一經查出。均照失於查察例。罰俸一年。○三十五年議准。凡五城地方。如有惡棍。在街市藉端挾詐。勒騙錢財。攪擾市肆。行兇等事。司坊官一有見聞。即行拏究。如知情不即嚴拏者。革職。得財私縱者。交刑部治罪。不知情者。將該管之司坊官降一級留任。巡城御史罰俸六月。○四十八年覆准。川省匪徒。製造禪刀。有雞尾。鱧尾等項名目。隨

身藏帶藉為格鬪行竊之用。令地方官實力查禁。如有私造私藏者。重加懲治。儻查禁不嚴。復致褲刀有殺傷之案。將該管官照失察私藏軍器例議處。○嘉慶二十三年奏准。姦棍隱匿姓名捏造揭帖。陰行誣陷。布散內外。及向各衙門投送。地方官不行嚴拏。降四級調用。接受具題而為審理者。革職。如係有關軍國重務。仍准密行陳奏。候

旨密辦。若不肖之官。唆使惡棍黏貼布散。除將本官按律治罪外。其布散黏貼之人。地方官不嚴行

查拏。罰俸一年。該管上司。罰俸六月。

禁止邪教。○康熙十四年。奏准。官員該管地方。有愚民自稱為神為佛。不能查緝者。降二級調用。或不能禁止邪教。以致聚眾張旗鳴鑼者。降一級調用。如給予此輩執照告示者。革職。該管上司。降一級調用。督撫罰俸一年。如愚民創建淫祠。不能查禁。反給告示者。罰俸一年。○二十五年。奏准。地方內有迎神進香。擊鼓鳴鑼。聚眾張旗等項。肆行無忌。倡眾為首者。若該管官不行查拏。如係民人。京城將司坊官。外省將府州



縣官。每案罰俸六月。京城巡城御史。外省司道。每案罰俸三月。總督巡撫。每案罰俸兩月。若係僧道。將該管僧道官革職。○三十年奏准。凡官員該管地方。有姦民自稱為神為佛。傳布符水。經版煽惑愚民。以致聚眾斂錢。張旗鳴鑼者。降三級調用。該管上司降一級留任。督撫罰俸九月。或私行邪教。尚無斂錢聚眾顯迹。該地方官不行禁止者。降一級調用。該管上司罰俸一年。督撫罰俸六月。有道人聚眾念經者。將該管官照不禁止服飾例罰俸三月。○四十六年奏准。

地方遇有邪教案件。州縣官立赴摻訊。據實通稟院司。按義情罪輕重。分別辦理。如有諱匿不報者。照諱盜例革職。由法輕縱者。照故出律治罪。即罪止枷責。案無出入。亦照諱竊例加等議處。罰俸一年。○雍正十一年議准。凡姦匪將各種避刑邪術私相傳授學習者。地方官不行查拏。照不禁止邪教例降一級調用。○乾隆十二年

諭。朕聞閩省風俗尚鬼信巫。偶遇雨暘失時。遂有無藉之徒。意在斂錢肥己。詭稱某處神佛靈應。聚眾迎賽。或將神像挂至街衢。挾令地方官跪拜迎送。種種惡習。殊屬

不經。凡地方官遇水旱。自督撫大吏以至州縣有司。固當竭誠致禱。為民請命。豈有棍徒藉名聚眾。撞神扶持官長。因而召爭起釁。滋生事端。甚為風俗人心之害。此風斷不可長。嗣後著嚴行禁止。倘有違犯。即照律治罪。地方官僚或懈怠從事。姑息養姦。即著該督撫參處。他省或有似此惡習者。著該督撫一體辦理。十四年題准。凡失察邪教地方官。向例女姦民自稱為神為佛。不能查緝者。該管地方官降二級調用。或不禁止邪教。以致聚眾張旗鳴鑼者。降一級調用。如給此輩告示者。革職。該管官降一

級調用。督撫罰俸一年。若地方官止於失察降調。上司竟無處分。嗣後地方官失察邪教。例應降一級調用者。該管上司。罰俸一年。督撫罰俸六月。地方官例應降二級調用者。該管上司。定以降一級留任。督撫罰俸九月。○三十三年

諭。昨因直隸省查出保安州逆犯孫顯富等妄布逆詞。希圖復興邪教一案。審擬時究出該犯於乾隆十五六年間。即有入教之事。該知州僅取改過甘結。從輕完案。實屬姑息養姦。因交該督查叅。今據楊廷璋將前任保安州知州喬溥叅奏。已交部查議矣。邪教煽惑愚民。最為人心風俗

之害。久經嚴禁。地方遇有此事。州縣官一經訪聞。即應稟明該上司徹底查辦。該督撫等亦即當據實具奏。按律重懲。庶可盡絕根株。共知儆畏。若僅從輕完結。姦徒毫無顧忌。怙惡不悛。日久必復相煽誘。藉邪教以圖歛錢財。深為閭閻擾累。而無識愚民。亦以獲罪甚輕。仍易被其簧鼓。如保安州一案。即有司輕縱釀成之明驗也。嗣後著各督撫通飭所屬州縣。如有潛倡邪教之案。立即查拏。報明上司。據實具奏。嚴行按法懲治。以靖姦匪而安善良。若州縣諱飾不報。私自完結。即著該督撫查明叅處。督撫等若存化有事為無事之見。遣不上聞。或徇

庶劣員不行糾劾。將來別經發覺。惟該督撫是問。○

四十四年

諭。據文綬奏。榮縣富順地方。訪有姦民惑衆之事。分飭司道前往各該處。率同該府縣等。嚴速查拏。並親赴督辦。已將收受偽照之畢登臣。及造謀為首之羅朝臣。拏獲。又續獲要犯龔海。吳懷應。鄧朝玉。及供出夥犯共五十八名。又起獲綾片執照。及黃布小旗共五十九件。現在根究嚴緝。研訊確情。從重辦理等語。姦民膽敢假造印記執照。捏寫偽職。傳布邪言。招人入夥。不法已極。該督一聞稟報。立即親往該處。督同司

道府等嚴速查拏。於數日內將首夥各要犯緝獲。並究明造謀糾夥惑眾各情節。所辦甚屬妥速。文綬及該道德克進布陳奉茲陳燮等。俱著交部照勒爾謹辦理河州王伏林一案之例議敘。所有榮縣知縣符兆熊首先訪拏破案。甚屬可嘉。著於事竣時送部引見。○五十六年

諭。據陝西解到八卦邪教案內劉照魁一犯。曾經喀什噶爾為邪教案內遣犯王子重傳寄書信。因命軍機大臣嚴加審訊。詰其如何出口。據供於乾隆五十五年四月內到陝西。五月到甘肅地方。打聽出口的人。

都要在甘肅肅州衙門起票。就假認王子重親戚。帶有家信。前往探望。到肅州衙門起票出口等供。王子重係八卦邪教案內重犯。發遣回疆。從前該犯由甘肅出口時。地方官行文遞解。該省各衙門皆有案冊可稽。劉照魁出口時。既公然自稱係王子重親戚。前往探望。該州知州理應拏住解部審問。乃竟給予口票。俾得沿途照驗。往來無阻。如此則邪教重犯。何必發遣為奴乎。若其私偷出口。則不過失察。其過尚輕。豈有公然令發遣重犯往來外域之理。其過甚大。已令勒保查明。將該州知州即行革職。拏送刑部治罪。



並令勒保明白回奏矣。各省地方關隘稽查姦宄最  
關緊要。今甘肅所屬之肅州嘉峪關。明知王子重  
為邪教發遣重犯。何得任聽其親屬起票出口。傳寄  
書信。何以錯謬至此。設如反叛為從發遣者。亦與出  
口之票乎。可見各省督撫於稽查關隘緝拏邪教匪  
犯要務。視為具文。並不認真整飭。而該管地方官亦  
全不留心盤詰。一味廢弛。殊屬不成事體。嗣後各省  
督撫等務。須實力整飭。督率所屬於各處關隘嚴密  
查察。毋得疏縱。儻再有似此者。惟該督撫是問。恐不  
能當其咎也。○嘉慶八年

諭嗣後文武官員有失察邪教會匪滋事重案其應議以降調者均按所降之級實降毋庸查級議抵著為令欽此遵

旨議定官員該管地方有姦民倡設邪教以致釀成叛逆不法者革職該管上司降二級調用毋庸查級議抵督撫降一級留任自稱為神為佛傳布符水經版張旗鳴鑼煽惑愚民聚眾斂錢並滋事而非重案者該管官降二級調用該管上司降一級留任督撫罰俸九月或私行邪教尚無斂錢聚眾顯迹地方官不行禁止者降一級調

用該管上司罰俸一年。督撫罰俸六月。如給此  
輩執照告示者革職。該管上司降一級調用。督  
撫罰俸一年。○十六年奏准地方有西洋人傳  
教刊刻經卷。倡立講會。並內地民人轉為傳習  
西洋教。誦經立會者。不行查拏之州縣官。降二  
級調用。該管各上司降一級留任。督撫罰俸九  
月。如州縣能拏獲過半。兼獲首犯者。免其議處。  
如西洋人在地方潛住。並無傳教情事。及內地  
民人習西洋教。並未轉為傳習誦經立會者。不  
行查拏之州縣官。降一級調用。該管各上司罰

俸一年。督撫罰俸六月。如西洋人僅止過境。並未逗遛。失察之州縣。降一級留任。該管各上司。均罰俸六月。督撫免議。如地方有西洋人傳教。及內地民人轉傳西洋教。地方官諱匿不報者。照諱盜例革職。該管上司。均照諱盜例分別議

處。

謹案此例咸豐十一年刪。

○又

諭。外省地方本無需用西洋人之處。即不應有西洋人在境潛住。從前外省拏獲習教人犯。每稱傳播始於京師。今京師已按名稽覈。徹底清釐。若外省再有傳習此教者。必係另有西洋人在彼煽惑。地方匪徒私

自容留。不可不加之厲禁。除廣東省有西洋人來往貿易。其居住之處。留心管束。毋任私行傳教。有不遵禁令者。即按例懲治外。其餘各直省。著該督撫等飭屬通行詳查。如現有西洋人在境。及續有西洋人潛來者。均令地方官即行查拏具報。一面奏聞。一面遞交廣東。遣令歸國。地方官查辦不力。致令傳教惑眾。照新定條例嚴叅重處。若內地民人私習其教。復影射傳惑者。著地方官一律查拏。按律治罪。○十七年諭。據給事中葉紹棿奏。民間邪教最干法紀。每因傳播日久。姦宄叢生。請飭令各省督撫臬司出示曉諭。將

律定罪名。刊刷通行。俾小民深知遠害。自行改悟。並飭令各督撫體訪各該省習俗所易犯而大干法禁者。一一摘錄律文。明白曉諭。廣為禁止等語。自古聖賢立教。惇敘彝倫。惟君臣父子之經。仁義禮智之性。為萬世不易之道。朝廷之所修明。師儒之所講習。必以此為正軌。故神佛祠宇。列入祀典。瞻禮祈禱。亦律所勿禁。至創立教名。私相授受。行蹤詭秘。惟恐人知。斯則一二姦民。倡為邪說。其意專在傳徒斂錢。而愚民無知。惑於禍福。其初不惜捐資破產。飽首惡之囊橐。迨經官府查辦。則為從徒黨。亦與為首之犯同罪。

法網貽害多人。深堪憫惻。如近日直隸江西福建廣東廣西貴州等省。每有奏辦邪教及會匪等案。此等頑民。既經破案。不能不嚴行懲辦。若先時化導。可冀其覺悟改悔。陷法者少。著該督撫各就該省情形。敘次簡明告示。通行曉諭。使鄉曲小民。羣知三綱五常之外。別無所謂教天理王法之外。他無可求福。從正則吉。從邪則凶。間有一二莠民。設法煽誘。而附和無人。奇邪自日漸熄滅。風俗人心。庶可日臻淳樸。將此通諭知之。○又

諭保甲為弭盜詰姦。歷來奉行良法。此事編查切近。全

在責成牧令。所謂有治人無治法。近來地方官視保甲為虛應故事。雖章程周備。亦屬徒託空言。著通諭各直省。分飭所屬。各就地方情形。參酌保甲舊章。認真經理。期於行之有效。毋得以具文塞責。至各省民風良莠不齊。間有傳習邪教匪徒。地方官隨時查緝。將為首正犯訪獲重懲。使其餘被惑之徒。共知做畏。從此加以化導。愚民覺悟頓開。自能革面革心。普臻經正民興之治。將此通諭知之。○十八年

諭吏兵二部具奏酌議失察邪教處分各摺。直省地方。遇有姦民倡立邪教。惑眾斂錢。甚至釀成叛逆重案。



該管文武各官。如能先事覺察。及早查拏破案。自應寬其既往。以勸緝捕。而杜諱飾。即如此次直隸山東河南三省。均有姦民糾眾滋事。該管督撫溫承惠同興長齡及所屬府縣。均未治罪。此內如同興能先事查拏。究出首犯林清姓名住址。又能將山東滋事賊匪迅速翦除。是以疊加恩賞。優予甄敘。至溫承惠因所屬地方有逆首林清突犯禁門。為從來未有之事。又復勦辦遲延。是以明示懲處。賞罰各有權衡。非一律科以失察之咎也。朕詳閱吏兵二部所議。如該管文武各官。於邪教叛案能先行訪聞。將案犯迅速緝

獲無論時之久暫。不特免其處分。亦毋庸照兵部所  
議送部引見。該督撫奏聞時。朕必立沛恩施。優加獎  
擢。或因匪黨衆多。職微力不能辦。立時密報上司。及  
咨會鄰境。查拏破案者。准其功過相抵。不必照本例  
減等議處。儻明知故縱。始終掩匿不報。事發從重治  
罪。若屬員詳報。而該上司隱飾不辦者。則將該上司  
黜革治罪。詳報之員。概免議處。其在任毫無覺察。經  
後任官舉發者。將前任官俱照原例降革。如此明定  
章程。嗣後該管文武各官。當曉然於失察過輕。諱匿  
罪重。認真緝捕。毫無瞻顧。庶姦匪不能潛匿。吏治民

風可期日臻整肅。○又

諭各省邪教之起。其始止於燒香拜會。聚眾斂錢。或由  
數人至數十人。多亦不過百餘人。地方官一經訪聞。  
隨時拏獲。按律懲辦。邪說自可漸熄。無如州縣因循  
怠玩。於所屬村鎮。匪徒夜聚晝散。傳教授徒等事。俱  
視為故常。不加究詰。久之。姦民徒黨眾多。潛懷悖亂。  
養癰滋蔓。貽害至不可勝言。前特降旨。寬免地方官  
失察處分。以除諱匿之弊。仍恐伊等存畏事之見。不  
認真查辦。著再通行申諭。嗣後各直省州縣官到任  
後。先周歷村莊。稽查保甲。將境內有無邪教。申報該

管上司。如訪有萌孽。立即查拏究辦。毋稍玩泄。儻飾有為無化。大為小。經上司訪聞。將該州縣從重叅處。若州縣詳報而上司諱匿消弭。准該州縣直揭部科。代為陳奏。將該管上司嚴懲不貸。○又奏准地方姦民。倡設邪教。夜聚晝散。潛謀不軌。州縣官能先自訪聞。迅速緝獲。或因匪黨衆多。力不能制。立即密稟上司。關會鄰境。查拏破案。俱准功過相抵。免其從前失察處分。如有怠玩。因循以致釀成叛逆重案。將州縣官革職。府州降二級調用。道員降一級調用。兩司降二級留任。督撫降一

級留任。俱毋庸查。級議抵。其或由上司鄰境訪  
拏在先。該員能隨同拏獲首犯者。即照本例減  
等議處。例應革職者。減為革職留任。例應降調  
者。減為照所降之級留任。儻州縣官明知故縱。  
始終掩匿不報。事發之後。革職從重治罪。若屬  
員已經詳報。而上司隱飾不辦。將該上司革職  
治罪。詳報之員免議。其有前官在任毫無覺察。  
經後任州縣查出舉發者。即將前任官革職。  
又奏准。邪教叛逆案內之匪犯脫逃。如係供有  
籍貫住址者。責令本籍州縣。以奉文之日起。協

同武弁限一年緝拏。限滿不獲。將州縣官降一級留任。匪犯照案緝拏。仍令本籍州縣以並無隱匿在籍詳報咨部。備具詳後。該犯仍回籍隱匿。別經發覺。將州縣官降二級調用。其無的實住址者。照通緝之例。行文各州縣嚴緝。如一年後果無蹤迹。亦令各自具詳咨部。備具詳後。仍在該地方隱匿。別經發覺。亦將州縣官降二級調用。若該犯一經隱匿。州縣官即能訪獲究辦。無論本籍別籍。已詳未詳。均一律免其議處。○又奏准。凡邪教案內。果有聚衆焚劫。偽稱名號。

等事。經刑部依叛逆不法律定擬。並將其家屬緣坐者。該地方官即應照邪教滋事重案例議處。不准抵銷。如止係輾轉傳徒。歃血訂盟。並無滋事實迹。係比照叛逆不法律定擬。並免其緣坐者。仍應照邪教惑眾。故錢例議處。准其抵銷。○又奏准。凡守業良民。諷誦釋道常行經卷。止圖邀福。並未學習邪教。編造符咒。傳徒惑眾。斂錢者。不得妄行指拏。如地方胥役藉端詐害。本管官係失察者。照失察誣執平民例。分別議處。故縱者。照借捕擾民例。革職自行查出究辦者。

免議○道光三十年

諭近來邪教流傳蔓延各省。始不過燒香斂錢煽惑愚民。漸至聚眾滋事。總因地方官平日化導無方。民間父兄師長又不能隨時訓迪。俾顛蒙服教畏刑不致為邪說所惑。我

皇考曾命儒臣恭闡

聖諭廣訓。黜異端以崇正學。一條編撰四言韻文頒行各省。啟發愚氓。朕思性理諸書均為導民正軌。著各直省督撫會同各該學政轉飭地方官及各學教官於書院家塾教授生徒。均令以



御纂性理精義

聖諭廣訓為課讀講習之要。使之家喻戶曉。禮義廉恥。油然而生。斯邪教不禁而自化。經正民興。庶收實效。各該督撫等。務當實力奉行。毋得視為迂闊具文。日久生懈。則風俗人心。蒸蒸日上。朕實有厚望焉。○咸

豐四年

諭定例地方文武員弁。失察習教傳徒。斂錢聚眾。重案處分。恭嚴原以無業莠民。所在多有。查拏不力。每致釀成巨患。是以嚴定科條。使地方官自顧考成。隨時覺察。該管文武果能認真查辦。消患未萌。何至自蹈

愆尤。乃近來地方官往往規避處分。因循諱飾。其有舉發懲辦者。該上司或又以遇事張皇。轉加申飭。遂至相率彌縫。逆匪得肆其猖獗。推原釀亂之由。實堪痛恨。當此軍務未竣。各省匪徒潛伏。尚復不少。若地方官恐干吏議。仍存避就之心。何以除姦慝而安善良。著通諭各省督撫。嗣後遇有匪徒潛匿。及姦細勾結重案。無論被人呈告。或被鄰境查拏。本地方官審有確據。即行申詳嚴辦者。准將應得處分奏請免議。其本地方官自行訪拏首要逆匪。及通賊姦細。實有勞績可稱者。並准其酌量鼓勵。儻事前既不能查察。

事發到官。又復畏難徇隱。即立予革職。治以應得之罪。決不寬貸。各該督撫務宜嚴加督率。懲勸兼施。痛改從前。因循諱飾之錮習。以期盡絕姦萌。毋負朕諄諄誥誡之至意。○五年奏准。地方官於姦民倡設邪教。能立時訪聞拏獲。罪應擬斬首犯一名者。准其加一級。夥犯每名。准其紀錄一次。拏獲五名以上者。准其送部引。

見十名以上者。准該督撫指定應升官階保奏。免其送部引。

見如犯由州縣以下等官拏獲。覈與州縣官引。

見之例相符。准其分別試用。實缺或以遇缺儘先補用。或以應升之缺保題。覈與州縣官指定應升之階。保奏之例相符者。亦准其指定應升之階。保題毋庸送部引。

見至鄰境。拳獲邪教之案。照此一律辦理。○又奏准姦民倡設邪教。州縣官能立時訪聞。拳獲。經該督撫奏聞時。欽奉

特旨。指明以何官升用。或以何官儘先補用。應欽遵諭旨辦理。其並非

特旨恩施。係該督撫指明保奏。以何官升用。或以何

官儘先補用奉

旨允准者仍由吏部奏明請

旨。

禁止聚衆○康熙五十三年題准凡有司牧民之官平日失於撫字激變良民因而聚衆者仍照例治罪外其刁惡頑梗之輩假地方公事聚衆聯謀抗糧構訟辱官塞署或有冤抑不向上司控告擅自聚衆至四五十人者地方官與同城武職無論是非曲直協同擒拏解送上司秉公審究若不將實在為首之人擬罪濫行指人

為首。事發將承審各官革職治罪。其該地方文職不能彈壓撫恤以致百姓糾眾妄行者皆照溺職例革職。其該管之府道徇庇不即申報者令該督撫嚴查題參。照徇庇例議處。如督撫不行題參。事發將該督撫亦照例議處。○雍正二年議准。地方如有借事聚眾。罷市罷考。毆官等事。其不行嚴拏之文武官弁。皆照溺職例革職。○乾隆三年奏准。嗣後兇徒逞兇結黨。或雇募兇徒持械肆橫。該管地方文武各官。知情故縱者。照溺職例革職。失於覺察不行查拏者。照不

知不報例降一級留任。○八年

諭。國家愛養斯民。惟恐一夫失所。為百姓者。正當奉公守法。以受國家惠濟之恩。乃看近來情形。地方偶爾歉收。米糧不足。價值稍昂。督撫未嘗不籌畫辦理。而刁頑之民。遂乘機肆惡。招呼匪類。公行搶奪。目無法紀。如果係窮民乏食。自當赴州縣衙門告糶。若官員辦理不善。亦當赴上司衙門申訴。豈有借穀少之名。遂擾害良善。挾制官長。逞其兇鋒。行同光棍。此則鄉邑之大蠹。不可不重加懲治。以儆頹風。乃無識之督撫。間遇聚眾搶奪等事。欲自諱其平時化導之不力。

與隨時禁約之無方。止將州縣官叅劾一二員以卸  
己責。而於搶奪之案。蒙混歸結。毋怪乎刁風日長。而  
無有底止也。至於有司。或營私作弊。激成事端。或玩  
視民饑。困苦莫恤。該督撫自應據實嚴叅。未有百姓  
罷市鬧堂。恃強陵弱。而可以姑息養姦者。又如國家  
設立營制。原以彈壓地方。乃近日汎地兵丁。遇有搶  
奪之事。類皆觀望。淡漠視之。豈設兵衛民之本意。著  
督撫提鎮嚴飭所屬弁兵。協同文員。實力查拏。若有  
推諉不前者。亦即嚴叅交部議處。○十二年

諭。山西萬泉安邑刁民聚眾二案。經大學士訥親審明。



將倡首附和。各犯分別治罪。並將起釁始末詳悉奏聞。揆厥滋事之端。由該地方官始則不能洞燭民隱。調協輿情。繼則蒙蔽因循。布圖不致決裂。迨構釁日深。聲勢漸熾。而地方官仍復畏蕙退怯。於是刁民敢於肆意橫行。及至欽差查審。文武員弁擒捕一人不致漏網。可見百姓未嘗不知有法。及以身試法。而不見法之可畏。是以無所顧忌。正子產所謂水懦弱民狎而玩之者。觀此則地方官之辦理不善。其奚所辭咎。朕初聞愛必達奏報。疑其過為張皇。措置失當。從事後觀之。則其據實上聞。較之地方官惟以彌縫了

事為心者。尚屬有聞。假使愛必達。亦如伊等之遷延。諱飾。尚不知更生何變端矣。古稱善御者。必利其銜。策。設當羣情洶湧之初。有一二明幹之員。能剖晰事理。使之豁然心折。自可立時散遣。即不然而擒首惡。以儆餘兇。亦可銷萌於事後。此之謂化大事為小事。化有事為無事。不此之圖。而惟事姑息。養姦致使蚩蚩之氓。駢羅重辟。司民社之謂何。而懦怯召侮。一至此也。朕前已降旨。明晰戒諭。該督撫等當嚴飭所屬守令。俾殫心治術。寬猛適宜。民情儻有壅滯。必當明敏裁決。導之使迎。民俗稍或强悍。必當斷制。當機折

之使服母或委靡觀望養惡容姦所冀去莠滋良寧  
謚閭井庶無負撫字循良之任○二十七年奏准嗣  
後如有釁起一時並非豫謀聚衆者將失察之  
地方官免其議處其持械肆橫豫先糾衆該地  
方官失於覺察不行查拏者仍照例降一級留  
任如能將在場首從各犯嚴拏全獲按例懲治  
從寬免其議處如案犯未能全獲仍照例議處  
以示區別若地方官有心故縱一經查出仍照  
知情故縱例革職如於獲犯到案時不嚴行懲  
治代犯開脫即照故出人罪例從重議處○三

十七年議准凡刁惡頑梗之輩假地方公事強行出頭逼勒平民約會抗糧聚眾聯謀斂錢構訟抗官塞署妄行聚眾至四五十人罷市罷考毆官等事地方官與同城文武無論是非曲直協同擒拏解送上司秉公審究將地方官免議如地方官於此等重犯不即實力協拏致令當場免脫將地方官降二級戴罪限一年緝拏限滿不獲降二級調用其該管地方州縣官平日漫無撫恤或於民人審辦不公或陵辱士子生童身受其害以致士民糾眾妄行罷市罷考毆

官將該管州縣官革職該管之道府徇隱不即申報者照徇庇例降三級調用如督撫不將徇隱之道府一併題叅事發將該督撫亦照徇庇例降三級調用○嘉慶十年奏准允徒聚眾械鬪如係釁起一時並非豫謀聚眾者地方官免議其持械肆橫豫先糾眾該地方官有心故縱者革職失於覺察不行查拏者降一級留任如拏獲在場首要各犯並將從犯拏獲及半者免其失察處分○十五年

諭方維甸奏遵旨酌籌約束械鬪章程一摺臺灣遠隔

重洋。漳泉粵三處民人在彼錯處。各分氣類。動滋事端。必須約束嚴明。經籌久遠。前經節降諭旨。諄飭方維甸到彼熟籌辦理。茲據該督體察南北兩路情形。酌議奏聞。內如總董一項。向在村莊包庇抗違。甚至地方官號令不行。諸多掣肘。而隸役等亦擅自分保。互相黨護。不服拘傳。最為該處惡習。自應亟行革除。所有方維甸奏請嚴禁總董。及本保隸役黨護把持。立法究治。並僉設約長族長。責令管束本族本莊等事。均照所議辦理。嗣後儻有糾鬪之案。即並未殺傷。亦將為首究辦。如不聽曉諭。即行派兵嚴拏。以示懲

做至所請酌減官員處分一節。地方官遇有械鬪會匪搶奪之案。其失察處分均予降調。每有諱飾情弊。嗣後如該地方官果能隨時訪查。據實稟報。俾姦黨得以破露。雖不能全寬處分。該督等具奏到時。朕尚可酌量加恩。免其實降實革。若能認真緝獲首夥多名。辦理迅速。則不但寬其處分。並當施恩鼓勵。設仍前諱飾疏縱。即著照方維甸所奏。分別革職治罪。不貸。○十七年

諭著傳諭各督撫。嗣後應嚴飭地方官。平日務當留心化導。俾無知小民。皆知安分畏法。如或有不肖匪徒。

倡謀滋事。或小有搶掠。或造作逆詞。該州縣一有風聞。即當乘其未經蠢動之初。將為首者上緊緝拏。立時辦竣。毋任彼此勾結。致啟事端。即如博羅一案。幸該匪等尚未肆竄蔓延。得以剋期捕獲。然已殲戮多人。同案抵罪者亦復不少。雖頑民自作不靖。而朕心良用惻然。該督撫等惟當勉思撫馭。禁暴戢姦。毋俾苞蘖潛滋。以副朕諄諄教誡至意。○又奏。准愚民因事忿爭。執持器械。互相格鬪。致有殺傷者。謂之共毆。其或釁起一時。糾眾往毆洩忿。雖亦執持器械。互相殺傷。而兩造並非約期會鬪者。謂之



謀毆二者准照命案例開叅不在械鬪之列如  
州縣官將真正械鬪之案諱匿不報或改作共  
毆謀毆命案分起開報者俱革職○又奏准兇  
徒挾有宿讎彼此約期聚衆持械肆鬪州縣官  
知情故縱者革職如係失於覺察能於百日限  
內將主謀之首犯並從犯拏獲及半者免其處  
分能全獲首從各犯者准其加一級儻限滿獲  
不及半降一級調用○又奏准鄰境地方官能  
將械鬪案內主謀之兇犯拏獲者准其加一級  
拏獲從犯者每名紀錄一次○又奏准械鬪之

案首重主謀。如承審官已將主謀之犯審出。而  
徇縱迴護。不行查拏。輒將頂兇之人。草率定擬  
完案。別經發覺。即照故出入人罪律。叅革治罪。  
或未能究出首犯。經上司及委員等審出。即按  
首犯應得斬絞軍流等項罪名。照不能審出實  
情。例分別議處。○同治四年奏准。浙江台州府  
所屬州縣。遇有兇徒約期聚眾械鬪之案。除州  
縣官知情故縱。諱匿不報。及百日限內拏獲首  
從各犯及半。或全獲者。仍照各本例辦理外。如  
僅止失於覺察。百日限內獲不及半。降一級留

任。限。一。年。緝。拏。限。滿。不。獲。降。一。級。調。用。

欽定大清會典事例卷一百三十三

吏部

處分例

匪徒滋事 徇信地師 私造假印  
牙行客欠 重利盤剝 賣空買

空 看守痲病 招搖挾制 耕牛 禁止夜戲  
驅逐 流倡 家人 私出擾害

居官燕游 官員犯姦

匪徒滋事○康熙二十五年議准地方如有豪

強之人窩養兇惡之徒作為牙爪該地方官不

嚴拏查報縱容隱匿者照溺職例革職該督撫

徇庇不行題叅將督撫照徇庇例降三級調用

○雍正元年議准地方有歃血定盟結連土豪

及衙役兵丁為害良民據鄰佑鄉保首告地方  
官如不推理又不緝拏或致蜂起為盜擄掠橫  
行將不行推理又不緝拏之地方文武各官該  
督撫題叅革職治罪其平時失察迨首告之後  
不自隱諱即能擒獲之地方官免其議處○乾  
隆五年議准地方有頑民倡設邪教附和邪術  
煽惑聚眾以致釀成不法將平日漫無覺察之  
該地方官革職該管上司降二級調用督撫降  
一級留任○二十六年

諭前據熊學鵬奏廣西興安縣緝獲湖南湘鄉人鄧廷

賢等私刻印票冒差需索一摺以該犯楚人歷經楚地該撫馮鈐並未奏聞傳旨令其查覆今據奏到自請交部議處並將藩臬司道府州縣等一概列參未免惶遽失措且以鄰省獲犯不無中存芥蒂均非封疆大臣持正奉公之道督撫統轄全省地方遇有匪徒越境滋事在本縣本府自不能辭失察之咎至司道以上所轄既廣即不當盡干嚴譴况在撫臣朕豈即以一二緝案督辦不前定其殿最耶諒中外臣工所宜共喻者是馮鈐所奏過當之處於率屬已不得其平若因此而歸咎熊學鵬自生嫌隙則於政體官

方所繫尤為重大。督撫同駐省會。凡事固當和衷共  
理。即地屬鄰封。其中咨會協濟之處。在國家並非二  
事。如馮鈐於此案。知會到省。方當深服熊學鵬嗣後  
每有見聞。共期實心欣助。方為見大。設以私心未化  
因而膜視掣肘。幾置公事於不問。在督撫為不知大  
體。在朝廷亦安用此大臣。從前鄂爾泰等在封疆中  
已為不數見之材。然以意見不合。遂與李衛等抵牾  
生覺。持因朝綱整肅。勢不能成。黨援門戶之漸。然自  
來。外吏畛域相持。久成惡習。不可不深引為炯戒也。

○三十六年

論據鐘音奏拏獲安溪縣姦民王添送等分別定擬一  
摺所請將失察之文武大小各員交部察議之處竟  
可不必。王添送等同謀糾黨未及一月即經敗露全  
獲盡法究治。辦理頗為妥速。不得謂之失察。均毋庸  
交部。匪徒滋事不法。原當責成地方官。如平時漫無  
稽查。迨發覺後。又復遷延怠緩。不即勇往擒治。釀成  
事端。其咎自所應得。若當端倪初露。即能上緊查拏。  
迅速獲犯結案。尚屬有功無過。儻仍加以議處。既不  
足以昭勸懲。且恐庸劣員弁。遇有地方姦匪重案。懼  
干吏議。致啟彌縫匿諱之漸。於除姦轉為無益。嗣後



凡匪犯糾衆等案如事在三月以內即能查辦擒捕者毋庸復予失察處分著為令。○三十七年奏准邪教案內之脫逃匪犯如係供有住址者責令本籍州縣實力查拏限一年緝獲並知照武職一體協緝限滿不獲州縣官降一級留任人犯照案緝拏仍令專管州縣官以並無隱匿詳報儻具詳後該犯隱匿該處別經發覺將州縣官降二級調用其無的實住址者照通緝之例嚴緝一年後果無蹤迹專管官具詳報部儻具詳後仍有隱匿別經發覺照前例降二級調用。○又

議准地方豪強之人窩養兇惡之徒作為爪牙該地方官不行嚴拏查報縱容隱匿者照溺職例革職該道府不行揭報降三級調用如地方官失察降一級留任自行查拏者免議○又議准地方有歃血訂盟結連土豪及衙役兵丁為害良民該地方官平時失於查察別經發覺者降一級調用○嘉慶八年

諭嗣後文武官員有失察邪教會匪滋事重案其應議以降調者均按所降之級實降毋庸查級議抵著為令○道光二十五年奏准捻匪幅匪強當訛索業已

得財之案無論人數多寡地方官如有疏防諱  
匿均照盜案例參處○又奏准地方官遇有本  
境擒匪幅匪滋事之案於一月限外獲犯過半  
兼獲盜首者功過相抵若於一月限內獲犯過  
半兼獲盜首或俱係斬梟斬決從犯三名或係  
斬決首犯一名斬候絞候從犯四名或係斬決  
絞決首犯一名遣罪從犯六名或係斬候絞候  
首犯一名從犯八名俱給予加一級總以一案  
內獲犯過半兼獲首犯方准議敘如僅擬軍流  
徒罪等犯俱毋庸給予議敘○又奏定地方官

拏獲鄰境擒匪幅匪案內斬梟斬決首夥三名  
以上者准其送部引

見五名以上者准其給予應升官階免其送部引

見拏獲斬梟斬決首犯每名准其加一級紀錄二次

斬梟斬決從犯斬候絞候首犯每名准其加一

級紀錄一次斬候絞候從犯每名准其加一級

遣罪首犯每名准其紀錄二次遣罪從犯每名

准其紀錄一次軍流徒杖以下人犯毋庸給予

議敘○又奏准鄰境地方官遇有擒匪幅匪滋

事之案不即協力堵拏以致竄入本境滋事者

照本境疏防例開叅。如已接到協拏知會。任令  
潛匿不為嚴緝者。降三級調用。○又奏准地方  
士民有能確知擒匪幅匪蹤迹。隨同官弁指緝  
按捕者。分別案情輕重。奏請給予職銜。其餘並  
非擒匪幅匪之案。概不得援以為例。○咸豐元  
年奏准。凡不逞之徒。歃血訂盟。結為弟兄。為害  
良民。及並無歃血焚表情事。止序齒結拜弟兄  
之案。地方官或自行訪聞。或因人首告。無論滋  
事未滋事。能於結拜一二月內查拏擒捕。或協  
同鄰境及後任官將首夥全行緝獲。或獲犯及

半兼獲首犯者准其加一級。三月以內能獲犯及半兼獲首犯或半年以內首夥全獲者毋庸議。敘免其議處。如三月以內獲犯尚未及半尚  
有首犯未獲將該管官罰俸一年。半年以內獲犯及半兼獲首犯仍議以罰俸一年。如已獲首犯而獲犯未半或獲犯及半而首犯未獲均議以罰俸二年。全未拏獲即議以降一級留任。一  
年以內始將首夥各犯全行拏獲者仍議以降一級留任。未能全獲者降二級留任。全未拏獲者革職留任。至一年以外毫無查察別經發覺

未滋事者降一級調用業經滋事者降二級調用若已據鄉保鄰佑人等首告不為准理又不  
會營緝捕雖經鄰境別汛及後任官拏獲查係  
未經滋事者地方官降三級調用失察之該管  
府州降一級留任道員罰俸一年督撫罰俸六  
月已滋事者地方官革職失察之該管府州降  
一級調用道員降一級留任督撫罰俸一年若  
督撫意存諱飾該管道府州及地方官迎合不  
辦以致釀成不法巨案者均革職拏問若屬員  
已經稟報而上司隱飾不辦稟報之員免議該

上司革職拏問。其有前官任內經人首告不為  
准理查拏。經後任官查出舉發者。亦將前官照  
滋事未滋事分別議處。如地方胥役藉端詐害  
誣良為匪。本管官失察者。革職留任。故縱者革  
職。○又奏。准拏獲鄰境香把匪犯。審係罪應斬  
絞立決者。每名加一級。罪應斬絞監候者。每名  
紀錄二次。罪應軍流者。每名紀錄一次。若將鄰  
境香把案內。歃血訂盟。焚表結拜弟兄。數至二  
十人以上。首犯罪應斬絞立決。或僅止結拜弟  
兄。數至四十人以上。首犯罪應斬絞監候之案。



獲犯及半兼獲首犯之員其拏獲一案者於加級紀錄之外量加優敘准其不論俸滿即升其拏獲二案者係州縣以上令該督撫查明該員任內如無失察匪犯滋事之案准其送部引

見其拏獲三案令該督撫查無失察匪犯之案准其指定應升之階保奏免其送部引

見若前案已經引

見邀

恩尚未升補其續獲之案仍准其按照罪名每名給予加級紀錄不得再邀優敘如已經升補者仍

准保奏。若每案內僅能拏獲首犯從犯者。止照例按名給予加級紀錄。○又奏准所獲匪犯。如另有搶劫重案。殺死事主。及輪姦婦女等情罪。應斬決斬梟。係照盜案定擬者。即照獲盜之例請敘。毋庸再照匪犯給予級紀。如仍照匪犯本案從重定擬者。即不准比照獲盜之例請敘。○又奏准該管道府直隸州。能於一年限內督飭所屬拏獲香把聚眾之案。首夥全獲。或獲犯及半。兼獲首犯。每三案加一級。十案以上。准該督撫專摺奏明請

旨加

恩○又奏准州縣以下等官如有拏獲鄰境香把匪  
把覈與州縣官引

見之例相符者准其分別試用實缺或以遇缺儘先  
補用或以應升之缺升用保題覈與州縣官指  
定應升之階保奏之例相符者亦准其指定應  
升之階保題毋庸送部引

見若僅能拏獲首犯從犯與州縣官應行議敘級紀  
之例相符者亦照例按名給予級紀○又奏准  
拏獲匪犯調取人員如有另案升補者均比照

獲盜之例給予限期亦不准分案引

見○光緒十年奏准各省勦捕要匪之案如係匪徒聚黨盤踞滋事不法有焚劫搶掠抗拒官兵情事經該督撫派兵勦捕儘數斬擒地方已就安謐並詳敘勦捕情形擇尤保獎准其將出力各員指定應升官階免其送部引見不准越級保升及免補免選各項

偏信地師○雍正十二年覆准除民間有將已葬棺槨依禮改葬者聽其自便外其有偏信地師之說無故改葬地方官勦明詳報須究出地

師不得隱諱寬縱。如有不實力究治者，經上司查出，將該地方官照不行查出訟師例罰俸一年。

私造假印。○乾隆三十年奏准：地方有姦棍私造假印，執持假票，冒稱係官，或誑戴羽紳，或假稱差官，不行查拏者，該管官降一級調用。如給此等姦棍印結執照者，革職。○又奏准：凡吏役有私造本官印信，將不行查拏之本管官照失察書役舞文弄法例降二級調用。姦徒私雕假印持往別處地方行用，其行用處之地方官不

能查拏者照例降一級調用失察潛匿雕刻未

經在本地方行用者將地方官照失於查察例

罰俸一年。

行用之後續經自行查拏者無論訪聞告發概行免議。

○嘉慶

十一年奏准吏役私造本官印信本官不行查

拏降二級調用失察姦徒私雕假印未經行用

者罰俸一年已經行用者查明在何處行用將

失察行用之地方官降一級調用行用之後續

經自行訪拏者免議若行用後直至告發始行

查拏者減為降一級留任未能拏獲者仍降一

級調用○十七年議准本官失察吏役雕造印

信於未經行用之先自行訪拏者免議別經發覺始行查拏降一級留任別經拏獲降一級調用若已經行用別經發覺始行查拏或自行訪拏者俱降二級留任別經拏獲降二級調用描摹印信於未經行用之先本官能先自訪拏者亦免議別經發覺始行查拏罰俸一年別經拏獲降一級留任若已經行用別經發覺始行查拏或自行訪拏者俱降一級留任別經拏獲降一級調用至姦徒雕造印信於未經行用之先地方官能先自訪拏者免議別經發覺始行查

拏罰俸一年。別經拏獲降一級留任。已經行用別經發覺始行查拏。或自行訪拏者俱降一級留任。別經拏獲降一級調用。描摹印信於未經行用之先。地方官能先自訪拏者免議。別經發覺始行查拏。罰俸九月。別經拏獲罰俸一年。若已經行用別經發覺始行查拏。或自行訪拏者俱罰俸一年。別經拏獲降一級留任。

牙行客欠。○乾隆八年

諭。民間貿易官為設立牙行。以評市價。所以通商便民。彼此均有利益也。是以定例投認牙行。必係殷實良



民取有結狀始准給帖充應蓋殷實則有產業可抵  
良民則無護符可恃庶幾顧惜身家慄遵法絕不敢  
任意侵吞為商人之害乃聞各省牙行多有以衿監  
認充者每至侵蝕客本拖欠貨銀或恃情面而曲為  
遲延或藉聲勢而逞其勒掙以致羈旅遠商含忍莫  
訴甚屬可憫從前外省衙門胥役有更名換姓兼充  
牙行者已經降旨敕部定議嚴行禁革積弊始除而  
衿監充行其弊與胥役等應將現在牙行逐一詳查  
如有衿監充認者即行追帖令其歇業永著為例嗣  
後如有仍蹈故轍而州縣官失於查察者著該上司

查參議處其如何定議之處該部妥議具奏欽此遵  
旨議奏從前有胥役更名換姓兼充牙行者令該地方  
官嚴查確實勒令歇業若該地方官奉行不力  
失於查察者照一切無籍之徒違禁把持該地  
方官失於查察例罰俸一年有意徇縱者照徇  
情例降二級調用如有受財故縱者計贓以枉  
法從重論至於矜監認充牙行或依恃護符侵  
吞客本或憑藉聲勢勒措遲延其擾市漁利以  
為商民之害直與胥役承充無異不可不明定  
處分以嚴考覈嗣後如有不肖矜監藐視法紀

仍蹈前轍州縣官奉行不力者令該管上司查  
參俱照胥役兼充牙行例分別失察徇縱及枉  
法受贓等項按照律例處分○二十三年題准  
嗣後遇有控追之案令經理之員按月冊報巡  
道稽查逾限不結者聽巡道按冊提比如怠忽  
從事控延累商者該巡道據實揭報詳參照事  
件遲延例議處有意徇縱者照徇情例降二級  
調用如有受財故縱者計贓以枉法論

重利盤剝○乾隆三十年奉旨兵民違禁重利  
放債該管之文武官員等如能實力查拏及有

官職之族長首報者。並計所查拏案數。每二案紀錄一次。儻該管官不准自首。硬作查出者。將誑報之該管地方官降二級調用。若縱容兵丁民人違例放債者。將各該管文武地方官。均照徇庇例降三級調用。如該管文武地方官。及有官職之族長。不能實力查拏。止於失察者。每案照失於查察例罰俸一年。○五十年

諭。前聞康熙雍正年間。外官借債。即有以八當十之事。已覺甚奇。今竟至有三扣四扣者。尤出情理之外。且向來文武官員出京赴任。均有在部借支養廉之例。

自道府副參以至微末員弁。准借銀數。自千兩至百  
十兩不等。已屬優厚。此項銀兩。因恐需次人員。資斧  
缺乏。是以准其借支。原係格外體恤。在各該員果能  
自行撙節。已足敷用。若任意花費。正復何所底止。而  
市井牟利之徒。因得以重扣挾制。甚至隨赴任所。肆  
意索償。逼斃官吏。實屬不成事體。嗣後赴任各官。務  
宜各知自愛。謹守節用。勿墮市儈姦計之中。若有不  
肖之員。不知節儉。甘為所愚。仍向若輩借用銀兩。亦  
難禁止。但總不准放債之人。隨往任所。並令各該督  
撫嚴行查察。如有潛赴該員任所追索者。准該員即

行呈明上司。按律究辦。儻隱忍不言。即致被逼索釀成事端。亦不官為辨理。庶可杜市儈刁風。而不肖無恥之員。亦知所做戒。○嘉慶四年

論。給事中德連奏請嚴禁放官吏債一摺。據稱京官初膺外任。及京中候補州縣等官。每多借官吏債使用。以一千而除去扣頭等項。所得不過數百兩。不一二。年間。遂至數千。抵任後。虧挪庫項。剝削小民。希圖彌補。種種貪黷。自此起。向來放債人等。私用短票。折扣重利。盤剝。例禁甚嚴。乃日久廢弛。仍行違例。巧取候選官員等。既不知自愛。墮其術中。又復自顧考成。

隱忍甘受。遂使謀利之徒。罔知顧忌。而所借債賬。日久累重。無以清償。因而挪移官項。朘削小民。此等弊端。實所不免。不可不嚴申劄禁。著步軍統領順天府五城各衙門。嚴行禁止。並密訪查拏。儻有前項情事。即隨時懲辦。毋得陽奉陰違。致干咎戾。

賣空買空。咸豐七年定。市僧僅憑虛言。賣空買空。將失察之地方官。照兵丁民人重利放債。失於查禁。例罰俸一年。縱容者降三級調用。看守瘋病。乾隆三十七年奏准。各省及八旗。凡有瘋病之人。其親屬鄰佑人等。即報明該地。

方官該佐領處令伊親屬嚴行鎖錮看守如無親屬即責令鄰佑鄉約地方族長人等嚴行鎖錮看守。僮親屬鄰佑鄉約地方族長人等容隱不報不行看守以致瘋病之人自殺及殺他人者照律治罪如親屬鄰佑人等已經報明該地方官該佐領而該地方官該佐領不嚴飭親屬鄰佑人等嚴行鎖錮看守以致瘋病之人自殺者將該地方官該佐領照看守疏防例罰俸三月。若致殺他人者將該地方官該佐領照防範不嚴例罰俸一年。又奏准凡永遠鎖錮之瘋



犯在監墜鍊身死。管獄有獄。各官照軍流以下人犯在監自盡之例議處。

私宰耕牛。乾隆三十年奏准。地方有私宰耕牛。該管官不行查拏。將該州縣照失察宰殺馬匹例。一二隻者罰俸三月。三四隻者罰俸六月。五隻以上者罰俸九月。十隻以上者罰俸一年。三十隻以上者降一級留任。若能拏獲究治者。均免其處分。

禁止夜戲。雍正十三年覆准。城市鄉村有深夜懸燈當街演劇者。應責成該地方文武各官。

力為嚴禁。僅該地方文武各官不實力奉行。照失於覺察例。罰俸一年。

驅逐流娼。○乾隆三十七年奏准。民間婦女中。有一種秧歌脚墮民婆。及土妓流倡女戲游唱之人。無論在京在外。該地方官務盡行驅逐回籍。若有不肖之徒。將此等婦女容留在家者。有職人員革職。照律擬罪。其平時失察窩留此等婦女之地方官。照買良為娼不行查拏例。罰俸一年。

招搖挾制。○康熙九年議准。官員任所。如有親

戚朋友聽其招搖詐騙者。本官革職。○十七年  
議准。官員將游客星卜。及優伶人等。轉送府州  
縣。並貽書薦引者。俱分別議處。○十八年議准。  
科道各官條奏。如隱附私情。希圖作弊。互相屬  
託。肆行妄為。外播威勢。挾制恐嚇。督撫等官者。  
發覺之日。俱革職提問。至大臣。科道各官子弟。  
挾制地方官員。經督撫題參有據者。照例處分。  
在京父兄不行約束。俱革職。若果挾制有據。而  
督撫不行題參者。亦革職。○二十五年覆准。科  
道官有希圖利己。允受屬託。妄行引奏。及交結

朋黨作姦誣陷者。事發革職。送刑部治罪。其告  
假于憂終養之科道官。有包攬錢糧干預詞訟。  
侵害小民。及徧游各省晉謁督撫。挾詐有據者。  
令該地方官申報督撫題叅。本官革職。交刑部  
治罪。如該地方官及督撫隱匿徇庇。不行揭報。  
題叅者。一併從重議處。○乾隆三十七年奏准。  
凡有職人員。假借公事。挾制官府。及將曖昧姦  
賊事情。汙人名節。報復私讎者。革職。審明。按律  
分別治罪。○嘉慶十一年奏准。在籍官員。有倚  
仗勢力。干預公事。行兇不法。作害地方。或將姦

。賊賧昧之事。汙人名節。報復私讎者。革職治罪。

地方官明知故縱者。均革職。不知情者。照不揭。

報劣員例。分別議處。

州縣照同城知府例。如府照司道例。議處。

家人私出擾害。○乾隆六年

諭。外吏之治。係於督撫。督撫果能清正公明。則屬員咸知效法。而成大法。小廉之治。朕御極以來。訓諭督撫者屢矣。其間能體朕心者固不乏人。而持躬不謹。致蹈愆尤者。亦未嘗無之。細察其故。固由於本人之居心不正。操守不堅。亦由於信用家人。為其所愚。日積月深。遂成尾大不掉之患。蓋家人本係至庸極劣之

人議見生來卑鄙。心性又復貪汙。日以小忠小信。要結主心。及至用為堂官。凡文武官吏謁見稟事者。藉其先容。賴其傳達。與之分庭抗禮。視若朋儕。若輩遂虛張聲勢。竊弄威柄。甚且導主營私。陷以不義。彼得從中舞弊。挾制要求。雖欲疏遠之而不可得。更有齎送奏摺之人。經過本省驛站。而不肖州縣。希圖探聽信息。往往餽送盤費什物。得其歡心。其有不能應付周全者。則藉端需索。歸向主人。橫加譏謔。姦靈種種。不可悉數。是以我

皇考洞悉其弊。嚴降諭旨。將堂官及家丁出入生事擾

累屬員之處。永行禁止。無如日久漸弛。頗有仍蹈前  
轍者。用是再降諭旨。通行訓飭。嗣後各督撫等復用  
堂官。或差遣家人出入。在所屬地方生事。若經朕查  
出。或御史叅奏。必從重議處。決不寬貸。此亦澄清吏  
治之一端。毋得玩忽。三十年奏准旗人違禁私自  
越出所居之地。需索財物。藉端挾詐。囑託行私  
擾民等弊。係官革職治罪。若將家僕差出擾民  
者。本主係官革職。其取債探親。係官革職。如將  
家僕差出者。本主係官罰俸一年。○又奏准奴  
僕有犯毆尋官員者。本主係官罰俸兩月。○又

議准凡內務府包衣下及王貝勒貝子公大臣  
官員家人領本生理霸占要地關津不令商民  
貿易倚勢欺凌者或旁人及受累之人具告或  
科道查出糾紛其人若係內務府包衣下人將  
該管官革職宗室王以下公以上家人將其家  
主交與宗人府從重議處其管理家務官俱革  
職係公侯伯大臣官員俱革職該地方官不行  
查拏俱革職兼轄官降一級調用統轄官罰俸  
一年至此等事發差官稽查若徇隱不據實回  
報者亦俱革職至於王公以下大臣各官將銀



借貸民人。擅行貿易。霸占要地。關津倚強。貽累地方民人者。亦照此例辦理。內務府包衣下人及諸王貝勒大臣家人。所在指稱名色。以網市利。干預詞訟。非法有司。不敢犯其鋒。反行財賄。將行賄之官革職。其家主知情者。係官革職。內務府包衣王貝勒家下該管官。知情者亦革職。王以下宗室以上。知情者。交與宗人府從重議處。○四十六年

諭。各省督撫管門家人。有向屬員需索門包陋習。而司道以下家人。亦相率效尤。積弊相沿。不可不力為飭

禁業經明降諭旨。令各督撫嚴行禁止。並著於年終彙奏一次。近又聞各省上司留待屬員飯食。有押席銀兩一項。更不應有此等陋習。其事尤可鄙笑。督撫等養廉優厚。用度寬餘。即司道府廳等官所得分例。亦不為薄。乃既聽家人索取門包。而又收受屬員押席銀兩。此必督撫先開其端。以致上行下效。甚屬無恥。實非整飭官方之道。况上司屬員燕會。本干例禁。若藉此為婪取屬員之地。尤大不可。此在巧於逢迎者。必欣然樂就。而無力者或轉以為苦。甚至力有不支。取資百姓。則更於吏治民生大有關係。自應一體

嚴禁。著再行通飭各省督撫。務率屬員一體遵照。裁革。亦入於年終彙奏。如有陽奉陰違。仍蹈故轍。或經科道叅奏。或於別事發覺。亦惟該督撫是問。

居官燕游。○康熙二十一年議。在外官員居住各城。如偷安燕游。以致事務叢積。至夜辦理者。革職。○雍正二年

諭。外官畜養優伶。殊非好事。朕深知其弊。非倚仗勢力。授官平民。則送與屬員鄉紳。多方討賞。甚至借此交往。賁緣生事。二三十人。一年所費不止數千金。府道以上有司官員。事務繁多。日日皆當辦理。何暇及此。

家有優伶。即非好官。各省府道以上至督撫提鎮。若各官家有優伶者。著該督撫訪查指名密摺奏聞。雖養一二人。亦斷不可徇隱。亦必即行奏聞。其有先曾畜養。聞此諭旨。不敢存留。即行驅逐者。免其具奏。既奉旨之後。督撫不細訪察。所屬府道以上官員。以及提鎮家中。僮有私自畜養者。或因事發覺。或被揭叅。定將本省督撫。照徇隱不察之例。從重議處。○乾隆

三十四年

諭。朕恭閱

皇考諭旨。有飭禁外官畜養優伶之事。

聖諭周詳。恐其耗費多金。廢弛公務。甚且夤緣生事。敕督撫不時訪查。究參。雖有一二人。亦不可徇隱。

聖諭久經編刊。頒行督撫藩臬等。並存署交代。自當敬謹循遵。罔敢違越。何以近日尚有揆義託黃肇隆代買歌童之事。豈伊等到官後。於衙門尊藏。

上諭。度之高閣。全不寓目耶。一省如此。他省之未經發覺者。恐尚不少。一事如此。他事之不能由舊者。並可類推。

皇考十三年整綱飭紀。所為史道人心計者。無微不至。朕每披尋。

謨典。省懷實深。諸臣何竟冥然罔覺於

訓型成憲。視若弁髦乎。可見外省惡習。錮蔽已深。凡禁令所布。始則具文塞責。久且並具文而忘之。即朕所降諭旨。尚有閱數載而虛應故事者。似此玩不率教。何以副朕孜孜求治之意思。之實可痛恨。著通諭直省督撫藩臬等。各宜正己率屬。於曾奉禁革之事實。右遵行。毋稍懈怠。若再不知儆悟。甘蹈罪愆。非特國法難寬。亦為

天鑒所不容矣。○嘉慶四年

諭。朕閱鄭源璠供內。稱署中有能唱戲之人。喜慶譙客。

與外間戲班一同演唱等語。民間扮演戲劇。原以藉謀生計。地方官偶遇年節。雇覓外間戲班演唱。原所不禁。若署內自養戲班。則習俗攸關。奢糜妄費。並恐啓曠廢公事之漸。况朕聞近年各省督撫兩司署內。教演優人。及燕會酒食之費。並不自出己資。多係首縣承辦。首縣復斂之於各州縣。率皆朘小民之脂膏。供大吏之娛樂。輾轉苛派。受害仍在吾民。湖南地方。雖尚未激變。而川楚教匪。藉詞滋事。未必不由於此。嗣後各省督撫司道署內。俱不許自養戲班。以肅官箴。而維風化。再鄭源璿供內。有眷屬人口錢及三百

人之語。伊係一藩司。而署內食指如此其衆。用度浩繁。其侵貪數逾八萬兩。亦勢所必至。督撫中如書麟、朱珪。操守廉潔。署內不過數十人。所得廉俸。未嘗不敷日用。此朕所素知者。地方大吏。惟當儉以養廉。不可從事奢華。以致簞簞不飭也。至藩司於收發庫項。加增平餘。任意剋扣。恐不獨鄭源璫一人為然。州縣等因。藩司扣平過多。徵收錢糧時。亦必多取於民。閭閻深受其累。所關甚重。並著通諭各直省藩司。務當洗心滌慮。悛改積習。勉為廉吏。毋負朕諄諄訓誨至意。



官員犯姦。○康熙二十三年議准官員姦家下有夫之婦者罰俸六月。○雍正三年奏准職官姦職官妻及姦軍民妻者皆革職治罪。○又議准官員姦家人有夫之婦者罰俸九月。姦軍民妻者革職治罪。